



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Inquiritur an suo nomine Cyrillus, ut Episcopus Alexandriæ, Concilio præfuerit, an alieno. Aseritur, nomine Episcopi Romani primum locum obtinuisse. In Actis Concilij Chalcedonensis scriptum est ...

urn:nbn:de:hbz:466:1-15617

cius, ut loquuntur patres in eadem relatione. Quamvis ergo Vicarius Celestini Cyrus fuerit ante synodum Ephesinam, atamen in ipsa synodo alij fuerunt Legati. Quod ipse quoque fatetur Celestinus in epistola ad Theodosium Augustum. *Huic synodo quam esse iustissimis, nostram presentiam in his quos misimus exhibemus.* In epistola quoque ad synodum: *Direximus*, inquit, *pro nostra sollicitudine sanctos fratres & consacerdotes nostros unanimes nobis & probatissimos viros Arcadium & Projectum Episcopos, & Philippum Presbyterum nostrum, qui iis que aguntur intersunt, & que à nobis antea statuta sunt exequantur.* Vnde, ut ex Iure hoc quoque addamus, posteriorem procuratorem dando, priorem prohibuisse videtur. Que regula tamen sic intelligitur, si res sit integra. Lite enim contestata, qui procuratorem dedit, cum mutare non potest, nisi causa cognita. In hoc autem negotio Cyrus legatione usus Nestorium scripto monuerat. Quid autem tergiversamur? Imo & synodo quoque Ephesinæ ante trium Legatorum adventum, non solum ex prærogativa sedis sua, sed etiam vice Celestini præfuerat. Legantur Acta: *Confidentibus in sanctissima Ecclesia, que appellatur Maria, religiosissimi & sanctissimi Episcopis, Cyrillo Alexandria, qui & Celestini quoque sanctissimi sacraissimumque Romana Ecclesie Archiepiscopi locum obtinebat, & Iuvenali Hierosolymorum &c.* Quin etiam post adventum Arcadij & sociorum, Celestini locum obtainere dicitur Cyrus in Actis. Neque in iuriā, cū scirer delegatam sibi à Celestino sedis apostolicæ auctoritatem, ad executionem sententia contra Nestorium in Romana Synodo latet; de quo negotio agebatur in Concilio Ephesino.

VI. Si quis autem scrupulosè inquirat, an jure Alexandrinæ sedis, cui secundus locus in Ecclesia competebat secundum canones, & absente Romano Pontifice primus, an vero vicario nomine synodum præfideret, respondebo, nomine Pontificis primum obtinuisse locum. Coniuncti quidem erant duo illi dignitatis gradus in persona Cyrilli, sed confusi non erant; quia synodus Oecumenica Pontificis Romani præsentiam & auctoritatem exigebat, quæ à Cyrillo supplebatur. Is autem se ipso prior erat & posterior, ratione habita utriusque sedis. Vnde in inscriptione epistolæ ad synodum Ephesinam data ab Episcopis Constantinopoli repertis, Celestinus Cyrillo præfertur; id est, Cyrus ipse, agens vicario nomine, antecedit Patriarcham Alexandrinum. Quare Episcopi provinciarum Macedoniae, Helladis, Thessaliae, utriusque Epi veteris & novæ, & insulae Cretæ, scripto sententiam suam promentes

in Concilio Chalcedonensi, non dubitarunt afferere primæ synodi Ephesinæ præfides fuisse Celestinum apostolicæ sedis Episcopum, & Cyrrillum Alexandrinæ. Imo vero synodus Chalcedonensis hoc ipsum profiteatur in definitione fidei: *Hei ἀγένουες οἱ ἀγιαστοὶ τῶν προνόμων Κολεσῖνος ὁ τῆς Π' αριζονα, καὶ Κύριος οἱ τῆς Αλεξανδρείας ἵβανος.* Idem quoque restatur Marciani Edictum Act. IIII. Concilij Chalcedon. cap. IV. & XI. Quod adeo constans est apud ipsos quoque schismaticos, ut, teste Balsamone, Patriarcha Alexandrinæ sacra celebrent cum Phrygio, cuius ferendi privilegium Celestinus Cyrrillo communicavit; qui eo capitib ornamento instructus, Ephesinæ synodo vice Papa præsedidit, & Nestorium condemnavit. *Cum non posset, inquit, Celestinus adesse Ephesi, & judicare Nestorium, visum est ut sancto Cyrrilo à Celestino permitteretur huic synodo presidere.* Ut itaque constaret eum habere jus & auctoritatem Papæ, sedidit cum Phrygio, & condemnavit Nestorium. Ab eo ergo tempore cum eodem Phrygio sacrificant & procedunt Patriarchæ Alexandrini.

VII. Aliquis fortasse petet, cur Cyrrillo tres alios Legatos adjunxit Celestinus, & in quo verllaretur, si quod intercedebat inter eos discriberet. Sed illi quæstiōni facile satisfieri potest. Etenim Theodosius Imp. à Nestorij fautoribus circumventus, dissidium in Ecclesiam invectum Cyrrillo imputabat, qui contentionibus ex invidia adversus Nestorium accensis, pacem Ecclesiæ turbasset. Itaque literis ad omnes universæ Ecclesiæ Metropolitanos datis synodum generale indixit, quod se illi conferrent cum aliquot provinciæ suis Episcopis. Quare necessarium omnino fuit ut Celestinus alios præter Cyrrillum Legatos mitteret, qui posteriores resuras ad generalem synodum deferrent, & Cyrrili anathematismos confirmarent. Accesserunt ergo Legati cum mandato exequenda suffragis suis sententiae contra Nestorium à Celestino in secunda Romana Synodo iterum latæ. *Propterea & ego quoque, inquit Projectus Episcopus, auctoritate legationis apostolice sedis, una cum fratribus sententiae executor existens, definio.* Vnde confurgit differentia quædam inter Cyrrillum & ceteros Legatos. Etenim ille non mittebatur à Celestino, sed vices ejus suæ auctoritati ordinariæ adjunctas suscepit, & proprio jure atque auctoritate censebat. Quod plenus erat & ulterius quam esset jus Legatorum. Etenim Cyrrillus vices Celestini obtinens, respondebat in hoc negotio ei qui locum Præsidis tuebatur iussu Principis aut Præfecti prætorio; qui omnia administrabat eodem jure quo Præses, si adesset. At vero

*Quid si Phrygium,
vide lib. 6. c. 6.
f. 7.*

*Theod. Balsamo
Tib. viij. Nomina-
ca. c. i.*

*Concl. Ephes. p.
2. Ag. 1.*